

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### রাষ্ট্রদূত মরিয়ার্টি ঘূর্ণিঝড় পুনর্নির্মাণ কর্মসূচী উদ্বোধন করলেন

বরিশাল, ২৫শে এপ্রিল -- বাংলাদেশে যুক্তরাষ্ট্রের রাষ্ট্রদূত জেমস এফ. মরিয়ার্টি এবং কৃষি মন্ত্রী মতিয়া চৌধুরী আজ বরিশালে যুক্তরাষ্ট্র সরকারের অর্থায়নে পরিচালিত সিডর পুনর্নির্মাণ প্রকল্প উদ্বোধন করেন। ঘূর্ণিঝড় সিডর-এ সাড়া দিয়ে যুক্তরাষ্ট্র সরকারের আট কোটি ডলারের পুনর্নির্মাণ প্রচেষ্টার সূচনাই হচ্ছে এই 'ইমপ্রুভড লাইভলিভড ফর সিডর-অ্যাফেক্টেড রাইস ফারমারস প্রজেক্ট'। সিডর আক্রান্ত এলাকায় ধান উৎপাদনকারী জেলাগুলোতে কৃষি উৎপাদন ফিরিয়ে আনতে ৪৭ লাখ ৭০ হাজার ডলারের এই প্রকল্পটি সহায়তা করবে। বাংলাদেশ কৃষি সম্প্রসারণ বিভাগ প্রকল্পটি বাস্তবায়নে যুক্তরাষ্ট্র সরকারের সঙ্গে সহযোগিতা করছে।

যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি)-র মাধ্যমে যুক্তরাষ্ট্র সরকার সিডরে সবচেয়ে বেশি ক্ষতিগ্রস্ত আটটি এলাকায় 'ইউরিয়া ডিপ প্লেসমেন্ট' প্রযুক্তি ব্যবহার করে ধান উৎপাদন বৃদ্ধির কর্মকাণ্ডে সহায়তা করছে। নাইট্রোজেনের সক্ষমতার উন্নয়ন ঘটিয়ে এই প্রযুক্তি ধানের ফলন ২৫ শতাংশ পর্যন্ত বাঢ়িয়ে দিয়েছে। এটি প্রকল্পের ২ লাখ ৮০ হাজার সুবিধাভোগী পরিবারের প্রত্যেকের নীট আয় প্রতি ফলনে ৮০ ডলার বৃদ্ধি পাবে, যা শুধু ২০০৯ সালেই মোট ২ কোটি ২০ লাখ ডলার বর্ধিত আয়। আগামী ২০১০ সালে প্রকল্পের শেষ নাগাদ 'ইউরিয়া ডিপ প্লেসমেন্ট' প্রযুক্তি ব্যবহারের ফলে প্রায় ১৩ হাজার মেট্রিক টন সার সাশ্রয় হবে এবং প্রায় ৭৪ হাজার মেট্রিক টন ধান উৎপাদন বৃদ্ধি পাবে। আর এই কর্মসূচির ফলে সিডর আক্রান্ত এলাকার ৩৫টি উপজেলায় ১৪ লাখেরও বেশি মানুষ উপকৃত হবে।

প্রকল্প উদ্বোধনের পর রাষ্ট্রদূত মরিয়ার্টি ও বেগম মতিয়া চৌধুরী সিডরে ক্ষতিগ্রস্ত কৃষকদের সাথে কথা বলেন। তারা একটি ইউরিয়া ব্রিকেট যন্ত্রের কার্যক্রমও উদ্বোধন করেন। এটি বাণিজ্যিকভাবে সহজপ্রাপ্য ইউরিয়া সারকে বৃহদাকার শস্যদানায় পরিণত করতে নতুন প্রযুক্তি হিসেবে ব্যবহৃত হয় -- যার ফলাফল হচ্ছে অধিক ফলন। এই ব্রিকেট যন্ত্রটি বরিশাল অঞ্চলে বসবাসকারী সিডর আক্রান্ত মানুষের জন্য অতিরিক্ত আয়ের সুযোগও সৃষ্টি করবে। যুক্তরাষ্ট্র সরকার ইতিমধ্যে 'বাংলাদেশে ছয়শ' ব্রিকেট মেশিনের জন্য অর্থায়ন করেছে, যা চার লাখেরও বেশি মানুষের জন্য আয়ের সুযোগ সৃষ্টি করেছে।

=====

জিআর/ ২০০৯

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে

'আমেরিকান সেন্টার'-এর প্রেস সেকশনে (টেলিফোন: ৮৮-৩৭১৫০-৮, ফ্যাক্স: ৯৮৮-৫৬৮-৮; ই- মেইল: [DhakaPA@state.gov](mailto:DhakaPA@state.gov)

এবং ওয়েবসাইট: [dhaka.usembassy.gov](http://dhaka.usembassy.gov)) যোগাযোগ করুন।